



Služba za civilnu zaštitu

Datum: 01.08.2024. godine

Na osnovu člana 10 i 15 Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03; 22/06 i 43/10) i člana 10. Pravilnika o sadržaju i načinu vođenja evidencije obveznika civilne zaštite („Službene novine Federacije BiH“, broj: 1/19), Služba za civilnu zaštitu Grada Srebrenik raspisuje

JAVNI POZIV za popunu jedinice civilne zaštite opšte namjene Grada Srebrenik

Pozivaju se svi zainteresovani građani starosti od 18 do 60 godina (muškarci), odnosno od 18 do 55 godina (žene) da budu raspoređeni u jedinicu civilne zaštite opšte namjene, i da učestvuju u zaštiti i spašavanju.

Raspoređivanje obveznika civilne zaštite u strukture civilne zaštite Grada vrši se na osnovu slijedećih kriterija:

1. opšta zdravstvena sposobnost,
2. vrsta i stepen školske spreme,
3. zanimanje, posao ili funkcija koju obavlja,
4. znanje i vještine od značaja za obavljanje zadataka zaštite i spašavanja,
5. godine starosti, mjesto prebivališta,
6. drugi kriteriji koje utvrdi nadležni organ civilne zaštite.

Popuna jedinice civilne zaštite opšte namjene provodi se na način da se svi zainteresovani građani koji su se prijavili i koji ispunjavaju kriterije utvrđene javnim pozivom, pozovu na intervju.

Prilikom obavljanja intervjua, svi kandidati koji su zadovoljili kriterije utvrđene javnim pozivom upoznaju se pisanim putem o pravima i dužnostima pripadnika civilne zaštite koji su utvrđeni u članu 10. i članu 13. do 22. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine FBiH“, broj: 39/03, 22/06 i 43/10).

Nakon upoznavanja o pravima i dužnostima, kandidat za pripadnika civilne zaštite:

- potpisuje izjavu o dobrovoljnom pristupanju strukturama civilne zaštite i
- dostavlja svoje lične i druge potrebne podatke na propisanom obrascu radi uvođenja u službenu evidenciju pripadnika civilne zaštite nadležnog organa.

Zainteresovana lica se mogu lično prijaviti svakim radnim danom u prostorijama Službe za civilnu zaštitu Grada Srebrenik, u periodu od 05.08.2024. godine do 20.08.2024. godine, u vremenu od 08,00 do 15,00 sati.

POMOĆNIK GRADONAČELNIKA

Nermin Jašarević

